 <small>S. A. BIELAGIŃSKA DZIĘCIEŃCZAKI KRAKÓW 14 000 000</small>	21327		<i>kat.komp</i>
	III	Mag. St. Dr.	P

delaus.


*Biechanowski Stanisł. Jos. Season amicus
 virtuti et honori M. Jan. Stowackius.*

PANEG. et VITAE
 Polon. Fol.
 № 1285.

Biblioteka Jagiellońska



stdr0002827



S C A Z O N
A M I C V S,

Virtuti, & Honori,

Clarissimi, & Excellentissimi Domini,

D. M. STANISLAI
SŁOWAKOWICZ,

Philosophiæ, & Medicinæ Doctoris,
ac PROFESSORIS,

D V M

Pro loco inter Clarissimos Medicinæ Doctores, ac
Professores, in Alma Vniuersitate Cracouiensi obtinendo,

SVB FELICIBVS AVSPICIIS,

Magnifici, Perillustris, & A. R. Dñi,

D. M. SIMONIS
MAKOWSKI,

Sacræ Theologiæ Professoris, Collegæ Majoris
Ecclesiæ Collegiæ S. FLORIANI Canonici,
S. R. M. Secretarij, Almæ Vniuersitatis Aca-
demiæ Crac: Generalis, & vigilantissimi
R E C T O R I S,

in Florentissimo Illustrium Hospitum consessu,

Disputatione publicâ,

Responderet;

M. STANIS: IOSEPHO BIEZANOWSKI Leopold.

Philosophiæ Doctore, Collega Minore, Ordinario Pædagog. Professore,

gratulatorio applausu.

D I C A T V S.

Anno Salutis 1675. Die 5. Septembris

BIBLIOTH. UNIV.



AGELLONICAE

C R A C O V I Æ, Typis Vniuersitatis.

21.327 III

SCAZON AMICVS.



Pex Medentūm, summitasq; Doctores
Assueta magnos, Palladis coronatæ
Inferre rostris, dum curulibus Phœbi
Fastigiatis, implet auge supremâ
Tuos honores; poscit en meus Scazon,
Non claudicante masculi pedis gressu,

Exasciatis, seriosq; concentus.

Sic quippe passus fecerat tuos virtus
Ad summa niti, lenibus procul curis,
Graues, diuq; serijs fatigatos;
Ut flos virorum, Pergamisq; prodires
Chiron Polonis, trames iste progressu
Securus omni, non mouetur in summo,
Labore ductus; qui trecenta sudatis
Fluenta postquam frontium tulit riuis,
Ad eruditæ vertices Facultatis,
Vestigiorum masculos dedit calles;
Quos delicatis, & madente cerussa
Vinctis, nefas est, Græculisq; deiectis
Triuisse, quorum culcitæ rosas vernant,
Steritq; longa mollibus quies plumis.

Æternitatem callis iste, Marpelas
Sapitq; cautes, Punicoq; confectas
Alpes aceto; fixus vngulâ grandi,
Hyrcana quando rupium cauat monstra
Infractus, inconniuis, & Cleantheam
Ad lampadem excubans, edax labor vitæ.
Namq; Herculænis Gadibus columnarum;
Vel quo Prometheus Caucaaso gemit, vastos
Artus reuinctus, mole sub catenata
Iras Deorum, Virgulæq; scintillas
Furacis, & Pyrrhæ luens nouas plebes;
Hic fidus vrget, hinc vias labor constans
Signat beatas, ingeniq; mansuros
Cum honores explicat triumphatis.


Iuisse tanto gratulatur ad summum

Heroa

Heroa virtus calle, Te SŁOWAKOWICZ,
 Post tot cathedras, post tot arduos tractus,
 Lycea post tot, porticusq; Lecheæ
 Stoæ seueras; Doctor vt fide plenâ,
 Pleniq; mentura laboris ex asse,
 Quantum mereri fas erat, feras tantum
 Securus in Te præmij, quod ex Te ipso est.
 Fortuna tecum Diua cæca, partiri
 Decus togatum nescit; Argus, in quo Tu
 Semper fuisti, palpebrasq; clausisse
 Pro Te excubando nescius, tibi censor,
 Tibi seuerus ipse tot palæstrarum
 Exactor, in quæis ad suprema creuisti.
 Torpere mentem haud sustinens parem Musis,
 Tot incitatum Oraculis, tot exemplis
 Soli paterni; quæ secutus exacto
 Passu, Becenses seculis Viros nostris,
 Tuâ renasci dignitate fecisti.
 Vrebat in Te mille dulcibus flammis,
 Fax vna honesti, pectus elegans illud,
 Siticulosis ingeni calens votis,
 Ad omne pulchrum, quod sapit, quod ad Delphos,
 Laresq; Phœbi spectat, & sub incude
 Fit eruditâ. sic iuuenta, sic ætas
 Matura, plenis laudibus cathedrarum
 Respondit in Te. Nam Mathesis ex omni,
 Dilecta primùm Palladis quod arcano,
 Se prima cordi credidit Tuo Diua,
 Hæc sola doctis sufficit crisis de Te.
 Hac Tu Magistrâ, climatum tot, extremo
 Arcton rigentem, cum Bòóte rexisti,
 Rerum meante, siderumq; successu,
 Plagas ad Orbis, gentiumue fatales
 Ad ima lapsus, vel nouas thronis cunas;
 Eudoxus in quo, vel Thales, vel effulsit
 Sidus Borussum, Varmix Copernicus
 Æterna lampas, vel Thycho cor astrorum.
 Exceptit inde Magnus Hippocras dextram
 Polis amicam, consciamq; momentis
 Quibus ferantur cardines, & immensi

Tractus Olympi, mox salutis humanae
 Hygia Numen, Æsculapij sanguis,
 Totis medullis Te prendit, & morbos,
 Sæuasq; mortis subdidit Tibi noxas,
 Hydraq; mille, quas medela rompheæ
 Ceu mucro tollat. exteris id ad gustum
 Probauit in Te, dexter ille, viuaxq;
 Præstantis ingenij calor moras tollens,
 Ardore toto, spirituq; feruenti,
 Chironis artes, dogmatumq; felices
 Vfus medendi, in exedris Patavinis,
 In sole Doctorum secutus exhaustit:
 Lætis corymbis, frons vbi coronata,
 Insigne Doctorale, Maximo plausu
 Docti Senatûs personante suscepit.
 Quid ergo Pallas Te moretur? & magnis
 Galenus ausis, Hippocrasq; Diuinus,
 Quidni cathedris ambiat Virum doctis,
 Domiq; honoret? cui tot Ausonæ terræ
 Celsere laudes. nouimus quid exactæ
 Curæ merentur, dotibus tuis quantum
 Vir erudite, Iagelona Maiestas
 Cætus togati, principesq; Doctorum
 Debent cathedræ; quas honoris accessu
 Fac auspicare. suppleasq; tot damna,
 Quibus Virorum summa nuper in tumbam
 Iuere capita, & Præstitas, Senatûsq;
 Patres Medentum, OCHOCII, ROLINSCIQ;
 Hos redde nobis, æmulare, conserua,
 Virtute, doctrinâ, fide, Medendiq;
 Felicitate, consiliq; prudentis
 Penu beato. Sic corona, sic fies
 Ornamentum ingens Æsculapij cætus.
 Superi boni date hoc, bono hoc date nostro;
 Fruatur isto, quem dedistis, & viuat
 Felix honore, dulce transigens æuum;
 Maresq; natos ad paterna virtutis
 Exempla formet; digna laureis donec
 Patrem sequatur indoles, & insigne
 Propago nomen erudita conseruet.





Handwritten orange markings, possibly initials or a signature, located at the bottom left corner of the page.

